

深壑野風吹斷蒙山雲松端彷彿遺樓閣中有道人  
如嬰兒頽然一身無所爲而今妙譽走天下衲子向  
風爭奔馳自嗟匏繫天一角睫交去夢渺難追何時  
再拜覲珠玉激昂吐我胸中奇上人今何山中去明  
年應到雲生處紫霄峯下如相逢持我此詩煩寄語  
夏日陪楊邦基彭思禹訪德莊烹茶分韻得嘉  
字

炎炎三伏過中伏秋光先到幽人家閉門積雨蘚封  
徑寒塘白藕晴開花吾儕酷愛真樂妙笑談相對興  
無涯山童解烹鱉眼湯先生自試鷹爪芽清香玉乳